

NOTITIA ANTIQVA

EPISCOPATVVM ITALIÆ.

PROVINCIA ROMANA.

T V S C I A.

ROMA caput mundi, totiusque Romani Imperij moderatrix Eusebio de vita Constant. lib. 1. cap. 20. Apostolorum schola, & pietatis Metropolis Sozomeno hist. Eccles. l. 3. c. 7. vulgò etiam *Roma*. Huius Episcopos, Occidentis Patriarchas, vniuersique orbis Ecclesiastici summos Pontifices, à Petro Apostolorum Principe ad Gregorium magnum supra retulimus.

PORTVS AVGVSTI Dioni lib. 40. vulgò *Porto*. Ex eius Episcopis Gregorius subscripsit Concilio Arelatenfi primo, Petrus Concilio Romano sub Hilario, Herennius Concilio Romano sub Felice, & Costus eiusdem vrbis Concilio 6. sub Symmacho. D. Gregorius magnus Epistolam scripsit Felici Portuensi Episcopo, quæ est 44. l. 4. indict. 13.

SYLVA CANDIDA Marcellino Comiti, vulgò *sancta Rufina*. Ex eius Episcopis Adeodatus subscripsit Concilio Romano tertio sub Symmacho: & Tiberius priuilegio quod Gregorium magnum sancto Medardo Sueffionensi concessisse aiunt.

NEPE Procop. l. 3. rerum Gothic. vulgò *Nepi*. Ex eius Episcopis Proietius subscripsit Concilio Romano sub Hilario, Felix eiusdem vrbis Concilio tertio sub Symmacho, & Gratiofus Lateranensi sub Martino.

AQVA VIVA, vrbs Episcopalis, quam Cluuerius ex monumentis antiquis apud Etruriam fuisse asserit in descriptione Italiæ antiquæ, præter aliam eiusdem nominis quæ adhuc extat in Campania, & nomen vulgò retinet, estque ad vulturum fluium, inter Venafrum & coenobium sancti Vincentij in Aprutij confinibus. Ex Aquæ viuæ Episcopis Paulinus subscripsit Concilio Romano sub Hilario, & Benignus primo Romano sub Symmacho.

PHALARIS, aliàs Falarina, & Falerium Ptol. lib. 3. c. 1. hodie *Phalero*, sed Vicus tantum aliquot ædibus constans, licet olim Ciuitas Episcopalis & adeo ampla fuerit in Faliscorum finibus. Ioannes Episcopus Falarinæ subscripsit Concilio Romano sub Gregorio magno.

FERENTIVM seu Ptol. l. 3. c. 1. Ferentia, alijs Ferentinum, vulgò *Ferento*. Maximinus huius Episc. subscripsit Concil. Romano sub Felice. Huic sedi Viterbiensis successit, teste Ferrario, anno 1074. cum ob hæresim euerfa est.

POLYMARTIVM, vrbs Episcopalis Tom. 2. Concilior. vulgò *Bomarzo*. Hanc sedem vnitam fuisse Ferentinati conijcere est ex Concilio Lateranensi sub Martino, cui Bonitus Ferentispolimartianus subscripsit.

HORTANVM Anastasio in vita Leonis quarti, vnde Hortenses populi Plinio lib. 3. cap. 5. vulgò nunc dicitur *Horti*, & ad eius Episcopum Blandum scribit D. Greg. lib. 1. Indict. 9. epist. 32.

Castus rectè uocatur in Subscriptionē Synodi Palmaris. in ms. Vatican.

Valentinus adfuit Vigilio Papæ Theodorum Caesariensem excommunicanti Constantino poli Anno DLI. Cuiusque Vigilius in constituto illo meminit.

Fuit in Viâ Flaminia ueteri Sub monte Soracte inter Ariminum, et Ciuitatem Cassellanam, paulo ultra diuersorium Stabiae, ubi nunc Ecclesia extat S. Marix de Aquâ Viuâ. Prope est fons uberrimus, qui loco nomen dedit. hic fuit Carpenatum Episcopatus. item pro Benignus lege Bonifacius. &

Episcopatus hic translatus ad veterem Faliscorum Ciuitatem, quæ vulgò Ciuitas Castellana dicitur. Carus Falartianus Romano sub Martino I. Papa.

Ferentium. Adrianus Ferentinatis Eccles. iæ Episcopus interfuit Concilio Leonis IV. Bassus Ferent. Episcopus fuit; Maximinus Ferentini Basso successit Innocentius, qui subscripsit Synodo Romanæ tertie sub Symmacho. De Sancto Bonifatio Ferentii Episcopo agit Greg. M. dial. lib. 1. cap. 9. Seruus Dei Ferentensis Synodo Palmaris sub Symmacho. ms. Vatic.

In editione Bini Ferentinas legitur, et mox repetitur idem Ferentis Polimartianus, ut pro duabus Ecclesiis distinctis subscripserit, et sic Saepius. Maiorinus Polimartij Episcopus in Concilio Roman. I. Gregorii. II. Agathus Polimartiensis Episcopus interfuit Concil. Rom. Eugenii. II. Anno 826. et post eum Gregorius subscripsit Concil. Rom. Leonis IV. 853. et ante hos Ioannes Concil. Rom. sub Zacharia. An. 742.

Iulianus Hortanus Episcopus in Concilio Romano sub Martino Primo, ubi male, ac corrupte Hostanus legitur.